

U. Umdrucke
Göttingen 1874/80
1874/10

891.99

47-18

ԿԵՆԱՑ ԲԱԺԱԿԸ

ԿԱՏԱԿԵՐԳՈՒԹԻՒՆ ՇԵՐԻՍ ԱՐԱՐՍ

ԳՐԵՑ
Ս. ՏԱՄԱՏԵԱՆ

Կ. ՊՈԼԻՍ

ՏՊԱԳՐՈՒԹԻՒՆ Ե. Մ. ՏԵՏԵԱՆԱՆ
ՕՏՈՒՆ ԳՐԱՐԻ ԶԱՏՏԵՍԻ
ՏԱՄԱՏԵԱՆ ԻԱՆ 465

1871

891.99

S-18

-6 NOV 2011

891.99

S-188

W

ԿԵՆԱՅ ԲԱԺԱԿԸ

ԿԱՏԱԿԵՐԳՈՒԹԻՒՆ

ՅԵՐԻՍ ԱՐԱՐՍ ԲԱԺԱՆԵԱԼ



ԳՐԵՑ

Ս. ՏԱՄԱՏԵԱՆ



Կ. ՊՕԼԻՍ

ՏՊԱԳՐՈՒԹԻՒՆ Ե. Մ. ՏՆՏԵՍԵԱՆ

ՕՏՈՒՆ ԳԱՐՈՒ ՃԱՏՏԷՍԻ 465 ՏԱՄԱՏԵԱՆ ԻԱՆ

1874

Ք2 ԿԻԿԻ . Երեւան

*Հուլիս 2011
Կ. Պ. Տնտես*

4043

1887

1200

ՅԱՌԱՋԱԲԱՆ

Ո՛վ ընթերցող, ահա առիկ նոր կատակերգութիւն մը որ թերեւս (ինչպէս ամեն հեղինակ կ'երազէ) Հայ գրականութեան մէկ ճիւղին (թէեւ շատ քիչ) յառաջադիմութեան գրգիռ մ'ըլլայ կամ լաւ ևս Հայոց մէջ գտնուածներէն քիչ շատ տարբերելով իբր նոր բան աղէկ գէշ ընդունելութիւն գտնէ. և ահա այս յուսովն է որ համարձակեցայ տպագրել տալ:

Արդ, ընթերցող, ես քենէ մեծ շահ մը չեմ սպասեր, միայն տպագրութեան համար բրած ծախքս ինձ դարձունես գոհ կ'ըլլամ. բայց չըլլայ թէ սխալ հասկացողութիւն մը ըլլայ և բրած ծախքս ալ վրայ տալ հարկ ըլլայ և ստիպուիմ անիծել գրողը, տպագրողը և մանաւանդ ընթերցողը:

7395-529

ԱՆՁԻՆՔ

Վերելակոս	Իշխան
Վեհունակ	Որդի իշխանին
Հրապոյր	Սիրահարեալ Վեհունակի
Շաւարշ	Ծառայ մտերիմ Հրապոյրի
Գայլակ	Ծառայ Հրապոյրի
Շուշան	Սպասուհի Հրապոյրի
Բաբիկ	Միմոս
Ամբարտակ	Դաստիարակ Վեհունակի
Սուրակ	Պալատական
Թափուր	Փիլիսոփայ մը
Բշուր	Բժիշկ մը
Կանցուղ	Վաճառական մը
Նենգուստ	Արհեստաւոր
Արբիկի	Գործաւոր
Համբեր	Երկրագործ

Սիրահարք Հրապոյրի . Թիկնապահք Վե-
րելակոսի . Ծառայք և այլն

Տեսարանն է Ա. և Գ. Աբարուաշներն Հրապոյրի հոռ
Դէլ, իսկ Բ. Աբարուաշն Վերելակոսի պալատին Դէլ:

ԱՐԱՐՈՒԱԾ Ա.

ՏԵՍԱՐԱՆ Ա.

ԳԱՅԼԱԿ (առանձին)

Կամ մարդիկ կուրցեր են և կամ ես ճա-
շակս կորսնցուցած եմ . վաթսուներորդ տղեղ
կին մը այսչափ սիրահարներ ունենայ , զար-
մանալի բան . եթէ կանանց մէջ ջարդ կ'ընայ
և միայն տիրուհիս մնայ , դարձեալ անկա-
րելի կը թուի ինձ անոր այսչափ սիրահար-
ներ ունենալը . Անմիտ երիտասարդք , այն
գեղանի օրիորդներն կը ձգեն պառն երեսին
և կու գան այս խռովածին առջեւ կը քննին .
ինչ էշութիւն . գոնէ հարստութիւն ունե-
նայ . ինչ և իցէ՝ ստակի սիրուն այսպէս բա-
ներ տեղի կ'ունենան . բայց եկու տես որ
սիրահարներէն ընդունած նուէրներով օր-
ուան ապրուստը կը հոգայ . իմ խելքս չը
համնիր այս բանին

(Շաւարշ և Գայլ)

ՏԵՍԱՐԱՆ Բ.

ԳԱՅԼԱԿ ԵՒ ՇԱԽԱՐՇ

ՇԱԽԱՐՇ

Անմիտ ծառայ, խելքդ չհասած գործերուն չխառնուիս աւելի աղէկ կ'ըլլայ: Տեսէք սա իմաստուն փիլիսոփան որ համայն մարդկութիւնը իշու տեղ կը դնէ. ամենքը խենդ են և դու խելացի:

ԳԱՅԼԱԿ

Չէ պարոն, այդ ըսել չեմ ուզեր, բայց չատ ալ խելացի չեմ գտներ այդպիսի կնոջ մը սիրահարելը . . .

ՇԱԽԱՐՇ

Լուէ, անպատկառ հրէշ, չես գիտեր թէ որո՞ւ վրայօք կը խօսիս, եթէ ըսածներուդ մէկ հազարերորդն ականջն հասնի, բաւական է զքեզ կախաղան հանելու:

ԳԱՅԼԱԿ

Կախաղան . . .

ՇԱԽԱՐՇ

Ա՛յո, ա՛յո, զարմանալ պէտք չէ, եթէ օրիորդը իշխանին խօսք մը ըսէ բաւական է, երբ նա կը խօսի՝ իրաւունք և արդարութիւն կը լռեն:

ԳԱՅԼԱԿ

Ներեցէք պարոն, եթէ անգգուշութեամբ մէկ երկու խօսք ըսի . . .

ՇԱԽԱՐՇ

Ո՛չ, ո՛չ, ապահով եղիր գաղտնեպահութեանս վրայ, միայն թէ այսուհետեւ կըսէ խօսքերդ և ապա արտասանէ, մի՛ ջանար տկար խելքովդ ընդհանուրին հակառակել. դու տիկնոջ թերութիւնները միայն կը տեսնես, բայց նորա բարեմասնութիւնները ճանչալու դեռ անկարող ես, արդարեւ պառուած է բայց աժխոյժ, աչները թառամած են, բայց հայեցուածքը զաշխարհ կը դողացնէ, ակռաները թափած են բայց կզակնայնչափ հաստատուն է՝ որ երկաթը կը փշրէ, ականջը չլոեր բայց յոյժ զգայուն է, այտերը գունատ և թառամած են բայց պատկառանք կ'ազդեն, բնութեամբ նիհար և հիւանդոտ է բայց հաստատամտութեամբ ամեն դժուարութեանց կը յաղթէ. չեմ յիշեց պերճ քալուածքը, գրաւիչ ժպիտը, վայելուչ հասակը, փափուկ սիրտը, առողջ դատողութիւնը, հանճարեղ խօսքերը, անլրէպ յիշողութիւնը . . . և ահա ինքը կու գայ հեռացի՛ր ասկից:

ՏԵՍԱՐԱՆ Գ.

ՀՐԱՊՈՅՐ ԵՒ ՇՈՒՇԱՆ

ՀՐԱՊՈՅՐ

Շաւարշ, կենաց բաժակը պատրաստէ :

ՇԱԽԱՐՇ

Որո՞ւ համար, Օրիորդ :

ՀՐԱՊՈՅՐ

Իշխանազունին :

ՇԱԽԱՐՇ

Ի՞նչ կ'ըսէք :

ՀՐԱՊՈՅՐ

Շաւարշ, պէտք է ոտիցս առջեւ խոնարհած տեսնեմ այդ խրոխտ երիտասարդը :

ՇԱԽԱՐՇ

Անկարելի է :

ՀՐԱՊՈՅՐ

Պէտք է :

ՇԱԽԱՐՇ

Եթէ յայտնուի, կորսուած ենք :

ՀՐԱՊՈՅՐ

Կը սիրեմ զինքը :

ՇԱԽԱՐՇ

Իշխանազունը . . .

ՀՐԱՊՈՅՐ

Այո՛, ջանայ որ յաջողիս, առանց վնասի :

կեան մը կորսնցընելու միջոց մը գտիր :

ՇԱԽԱՐՇ

Հրամանդ պիտի կատարուի, օրիորդ :

ՀՐԱՊՈՅՐ

Ըսէ՛ դռնապանին՝ որ մէկը ներս չընդունի :

ՏԵՍԱՐԱՆ Դ.

ՀՐԱՊՈՅՐ (առանձին)

Այլ այս անգամ պիտի յագեցնայ սիրտս . որ և է մերժում մ'անկարելի է . իշխանուհի պիտի ըլլամ, ամբողջ ժողովրդեան մը պիտի հրամայեմ, մարդիկ պիտի խոնարհին իմ առջեւ, ալ երջանկութիւնս կատարեալ պիտի ըլլայ . . .

ՏԵՍԱՐԱՆ Ե.

ՀՐԱՊՈՅՐ ԵՒ ՇՈՒՇԱՆ

ՇՈՒՇԱՆ (Դռնապանին՝ ի ներս)

Օրիորդ :

ՀՐԱՊՈՅՐ

Ո՞վ խրկած է զայդ :

ՇՈՒՇԱՆ

Բերող ծառան ըսաւ թէ մէջը գրուած է :

ՀՐԱՊՈՅՐ

Պարոն Ծակիկոսի խոստացած աղաման-
դեայ ապարանջանն ըլլալու է, որուն վրայ
անունը գրել պիտի տար. (Բանալ ծարար) ինչ
կը տեսնեմ, մի միայն գիրք մը կայ ասոր մէջ.
(Կարգէն երեսը կարգաւ)

«Բորբոքեալ սրտիս այս գործ անձկալի,
իբրը հաւատչեայ սիրոյս սոսկալի՝
Առքեղ ընծայեմ, սիրունհիգ քաղցրիկ,
Ձի սէր քոյ ծընաւ ի միտս իմ փափկիկ
Այն վեհ գաղափար հեղինակութեան:
Այլ աւա՛ղ. վաստակ իմ աշխատութեան
Ոչ կարաց առնել գործ քեզ արժանի.
Սակայն սիրունհիգ իմ նախանձելի,
Ներողամիտ ինձ լիցիս յաւիտեան
Այս նըւիրական աղերս է քեզ իմ
Ծառայ անպիտան քոյ ազնուութեան,
Սիրոյս յաւիտեան մնամ հաւատարիմ:

Սահման Սոփեարեան»

Կենացս մէջ այս աստիճան անհամ և
անճոռնի ոտանաւոր տեսած չունէի. թշուա-
ռը ո՛ր գիտէ, ո՛րչափ քրտինք թափած է:
Տեսնենք սա հեղինակութիւն ըսածը ինչ է.
(Կարգաւ) «Նորահնար ժամանակագրութիւն
ժամանակակից արկածից». բաւական երկար

չնչառութիւն ունենալու է այս գրքին անու-
նը արտասանելու համար, տեսնենք մէջը ինչ
կայ. (Կարգաւ) «Փետրուար 8, այսօր առաւօ-
տեան ժամը ութին ելայ, օդը պարզ և
ցուրտ էր, տաքնալու համար սրճարան գա-
ցի, երկու ժամ նարտով զբօսնելէն ետքը
նշմարեցի թէ . . . » հահ հահ հահ:

ՇՈՒՇԱՆ

Ինչ կայ տիկին, ինչ է նշմարածը:

ՀՐԱՊՈՅՐ

(Կարգաւ) «Նշմարեցի թէ մօրուքիս սանտրը
կորուսած եմ». հահ. հահ. հահ. . . ինչ զար-
մանալի ժամանակագրութիւն, արդարեւ
նորահնար, այս աստիճան մանրամասն տե-
ղեկութիւնք ընաւ տեսնուած չեն:

ՇՈՒՇԱՆ

Խեղճ մարդը, հեղինակութեան փափա-
քանօք ո՛րչափ ժամանակ, ո՛րչափ թուղթ, և
մեկան վատնած է. հահ. հահ. հահ:

ՀՐԱՊՈՅՐ

Եւ ապագային պատմութիւնը լուսաւո-
րելու համար՝ ո՛րչափ ծախք բրած է տպագ-
րել տալով:

ՇՈՒՇԱՆ

Կ'երեւայ թէ այս գիրքը բաւական խըն-

գալու առարկայ պիտի ըլլայ մեզ համար :

ՀՐԱՊՈՅՐ

Այո՛ , այո՛ . բայց պէտք է անմիջապէս
ետ խրկես այս գիրքը :

ՇՈՒՇԱՆ

Ի՞նչ կ'ըսէք , օրիորդ , թշուառ երիտա-
սարդը յուսահատ մեռցընել կ'ուզէք :

ՀՐԱՊՈՅՐ

Ո՛չ , ո՛չ . ալ այսուհետեւ ինձ ուղղուած
որ և է ընծայ մը պէտք չէ ընդունիս :

ՇՈՒՇԱՆ

Սիրելի տիրուհիս , ի՞նչ է այս փոփոխու-
թեան պատճառը :

ՀՐԱՊՈՅՐ

Շուշան , իշխանուհի պիտի ըլլամ :

ՇՈՒՇԱՆ

Ի՞նչ կ'ըսէք տիկին . բայց ի՞նչպէս :

ՀՐԱՊՈՅՐ

Իշխանազունը կը սիրեմ և քիչ օրէն պի-
տի ամուսնանամ :

ՇՈՒՇԱՆ

Ուրեմն իշխանին հաւանութիւնը ստացաք :

ՀՐԱՊՈՅՐ

Դեռ ոչ , բայց երբ որդին թախանձէ ,
անշուշտ հաւանութիւնը պիտի տայ :

ՇՈՒՇԱՆ

Օրիորդ , զգուշացէք իշխանազունի մը

խոստումներէն :

ՀՐԱՊՈՅՐ

Ոչ խոստացաւ և ոչ տեսաւ զիս :

ՇՈՒՇԱՆ

(Ֆիւռէ) Այդպէս ըլլալու է , եթէ տե-
սած ըլլար այդչափ շուտ պիտի չխոստանար .
(Քեշ) Թէպէտ և ձեր գեղեցկութեանը կը
վստահիք և իրաւունք ունիք բայց և այնպէս
քանի որ դեռ զձեզ տեսած չէ . . .

ՀՐԱՊՈՅՐ

Իրաւունք ունիս զարմանալու քանի որ
դեռ տեղեակ չես թէ ինչպէս . . .

ՇՈՒՇԱՆ

Ըսէք տիկին , մի՛ ծածկէք ինէ , միթէ
չորս տարիէ 'ի վեր ձեր վստահութեանը չար-
ժանացա՞յ :

ՀՐԱՊՈՅՐ

Արդարեւ հաւատարմութեանդ վրայ
կասկածելու պատճառ մը չունիմ . . .

ՇՈՒՇԱՆ

Ուրեմն ինչո՞ւ կը վարանիք :

ՀՐԱՊՈՅՐ

Շո՛ւշան , սիրահարացս ցուցակը քո՛վդ է :

ՇՈՒՇԱՆ

Այո՛ օրիորդ :

ՀՐԱՊՈՅՐ

Լաւ . տե՛ս քանի՞ հատ են :

ՇՈՒՇԱՆ

(ԴԵՐԵԱԿԸ ԶԱՅԵԼԸ) ԻՆՆՍՈՒՆ և ութ :

ՀՐԱՊՈՅՐ

(ԴԵՐԵԱԿԸ) Եթէ երկու աւելի բլար կորսուած էի : (ԲԱՅԵ) Անշուշտ կը զարմանաս թէ ի՞նչպէս կին մը այսչափ սիրահարներ կրնայ ունենալ :

ՇՈՒՇԱՆ

Ձեր գեղեցկութիւնը ճանչցողը բնաւ չզարմանար օրիորդ :

ՀՐԱՊՈՅՐ

Արդարեւ այնպէս է , բայց գիտցիր թէ առաջին մարդը զոր սիրեցի՝ անգթաբար մերժեց զիս :

ՇՈՒՇԱՆ

Միթէ կարելի՞ է :

ՀՐԱՊՈՅՐ

Այո՛ , թէպէտ հիմա ալ գեղեցիկ եմ բայց այն ժամանակ աննման էի և սակայն ապերախտն անարգեց զիս . այս բանս այնչափ մեծ ցաւ պատճառեց ինձ որ ուխտեցի վրէժ առնուլ բոլոր մարդոցմէ և յաջողեցայ :

ՇՈՒՇԱՆ

Ի՞նչպէս :

ՀՐԱՊՈՅՐ

Մայրս , սիրելի մայրս մեռնելու վայրկեանին զիս քովը կոչեց և «աղջիկս , ահաւասիկ իմ

քեզ թողուցած ժառանգութիւնս» ըսաւ , իննսուն և ինն գեղահատ տալով ինձ . «Այս գեղերէն եթէ հատ մը գինիի հետ խառնելով երիտասարդի մը խմցունես , ալ նորա բախար քու ձեռքդ է , վասն զի այդ գեղերն գինիին այնպիսի կազդուրիչ զօրութիւն մը կու տան որ զայն խմողն առաջին կինը որ տեսնէ պիտի սիրահարի . Զանա՛ վրէժդ լուծել» :

ՇՈՒՇԱՆ

Ուրեմն այդ գեղերով է որ . . .

ՀՐԱՊՈՅՐ

Այո՛ , այս գեղերով՝ որ մայրս իւր ձեռօք պատրաստած էր ինձ համար , վրէժս լուծեցի . այն ամեն յանդուգն երիտասարդները՝ որ համարձակած էին արհամարհել զիս , երբ կենաց բաժակը խմեցին լաւ ճանչցան իմ արժանիքս , խոնարհեցան ոտիցս առջեւ և թողութիւն խնդրեցին :

ՏԵՍԱՐԱՆ 2.

ՆՈՅՆԻ , ԵՏԻՐ ԳԱՅԼԱԿ ԵՒ ՉՈՐՍ

ՍԻՐԱՀԱՐԻ

ԳԱՅԼԱԿ

(ԴԵՐԵԱԿԸ) Չէ՛ , հոս սպասել չբլար :

ԶԱՅՆ ՄԸ

(ԴԵՐԵՆ) Պէտք է օրիորդը տեսնեմ :

ԳԱՅԼԱԿ

(ԴԵՐԵՆ) Պարոնայք, օրիորդը հոս չէ, քաղաքավարութեամբ դուրս կ'ենէ՞ք :

ՈՒՐԻՇ ԶԱՅՆ ՄԸ

(ԴԵՐԵՆ) Մինչեւ որ օրիորդը գայ՝ անկաւրելի է ինձ դուրս ելնել :

ԳԱՅԼԱԿ

(ԴԵՐԵՆ) Է՛հ, պարոն ո՞ւր կ'երթաք :

Ա. ՍԻՐԱՀԱՐ

(ԶԵՐ ԴԵՐԵՆ) Սա դռնապանին լրբութիւնը օր մը համբերութիւնս պիտի հասցընէ :

ԳԱՅԼԱԿ

(ԶԵՐ ԴԵՐԵՆ) Պարոնայք, կամուռ և պարկեշտութեամբ դուրս պիտի ելնէ՞ք, ապա թէ ոչ . . .

(Երեւ ԴԵՐԵՆ Ե՛ւ ԶԵՐ ԴԵՐԵՆ)

Բ. ՍԻՐԱՀԱՐ

Ոչ, չեմ ելներ, ի՞նչ ըսել կուզես, ո՞վ կարծեցիր զիս (ԶԵՐԵՆ ԴԵՐԵՆ) Ահ օրիորդ դուք հոս էք եղբր :

ՀՐԱՊՈՅՐ

Պարոնայք, ինչ աղմուկ է այդ տանս մէջ :

Ա. ՍԻՐԱՀԱՐ

Ո՞վ իմ սրտիս հատորը, աչացս լոյսը, կամացս թաղուհին, սիրոյս տաճարը, ձեր

դռնապանը կը յանդգնի ծածկել ինչ կենացս ճառագայթը, մտածութեանցս առարկան, երեւակա . . .

ՀՐԱՊՈՅՐ

Բաւական է, բաւական, ալ լրբութիւնը վերջին ծայրը հասուցիք :

Բ. ՍԻՐԱՀԱՐ

Սիրուն հրեշտակս, ինչո՞ւ այդպէս կը խոժոռեցընես այդ չքնաղ դէմքն (ԴԵՐԵՆ Ե՛ւ ԶԵՐԵՆ) Զախճախէ գլուխս ոտիցդ տակ, բայց . . .

ՀՐԱՊՈՅՐ

Գայլակ, այս պարոնները պէտք է դուրս հանել :

(ԿԸ ԴԵՐԵՆ Ե՛ւ ԶԵՐԵՆ)

ՏԵՍԱՐԱՆ Է.

ԳԱՅԼԱԿ Ե՛ւ ԶՈՐՍ ՍԻՐԱՀԱՐԻ

ԳԱՅԼԱԿ

Է՛, պարոնայք, դասերնիդ առիք՝ ալ ամենայն հլութեամբ և պարկեշտութեամբ դուրս կ'ենէ՞ք :

Բ. ՍԻՐԱՀԱՐ

Անգութ, անօրէն կին, ինձ նման մարդ մը խոնարհի ծնդացդ առջեւ, պաղատի և դու մերժես . մէկ մ'ալ այս տանը սեամէն պիտի չանցնիմ : (ԿԸ ԴԵՐԵՆ)

Ա. ՍԻՐԱՀԱՐ

(ԴԵՆԵՆ) Ես գիտեմ՝ այս կերպ ընդունելութեան պատճառը միւսներն են, վախնալով որ նոցա նախանձն ու ատելութիւնը կը գրգռէ՝ չուզեց ինձ յայտնել իւր սէրը։ Երթամ և ժամէ մը մինակ դառնամ, այն ժամանակ ուղածիս չափ կընամ տեսնուիլ։ (ԷԷ ԴԵՆԵՆ)

Դ. ՍԻՐԱՀԱՐ

Կեղծեց, չուզեր որ զիս սիրեին ուրիշները իմանալով հակառակութիւն մը ծագի։ Ուրիշ անգամ մարդ չեղած ժամանակ պիտի գամ։ (ԷԷ ԴԵՆԵՆ)

ԳԱՅԼԱԿ

Է՛, պարոն, դուք դեռ հոս էք։

Դ. ՍԻՐԱՀԱՐ

Մինչեւ որ տիկնոջ հետ չտեսնուիմ՝ անհնար է ինձ ասկից երթալ։

ԳԱՅԼԱԿ

Պա՛րոն. տիկինը ձեր հետ պէտք եղած կերպով տեսնուեցաւ, եթէ գոհ չեղաք, ես ալ հիմա գաւազանովս պիտի տեսնուիմ։

Դ. ՍԻՐԱՀԱՐ

Ի՞նչ քսել կ'ուզես։

ԳԱՅԼԱԿ

Կարծեմ խօսքերս բացատրութեան պէտք չունին։

Դ. ՍԻՐԱՀԱՐ

Ինձ նման աղնուականի մը ձեռք վերցընել։

ԳԱՅԼԱԿ

Պարոն, դուք ձեր աղնուականութեամբն հանդերձ ծեծը կ'ուտէք, փութացէք խոհեմութեամբ դուրս ելնել։

Դ. ՍԻՐԱՀԱՐ

Ձգուշացիր, ապա թէ ոչ . . .

ԳԱՅԼԱԿ

Պարոն, երկար խօսք պէտք չէ, դուրս պիտի ելնէք։

Դ. ՍԻՐԱՀԱՐ

Ո՛չ։

ԳԱՅԼԱԿ

Լաւ ուրեմն։ (ԶԵՆԵՄԷ ԴԵՆԵՆ ԷԷ ՎԵՆԵՆ)

Դ. ՍԻՐԱՀԱՐ

(ԴԵՆԵՆ) Ա՜հ . . . Ա՜հ . . .

ՏԵՍԱՐԱՆ Ը.

ՇՈՒՇԱՆ (ԽԵՄԵՆԻՆ)

Վերջապէս յաջողեցայ սա դեղերէն հատ մը գտնել, շուտ բաժակ մը պատրաստեմ և

Շաւարշին խմցընեմ, տեսնենք այսուհետեւ իմ նշանացի ակնարկութիւններս չտեսնել պիտի կեղծէ՞, եթէ ոչ բարակի մը նման հետքս պիտի փնտռէ. բայց ես ալ այսուհետեւ թէ և աղաչէ, պաղատի, չլսել պիտի կեղծեմ. . . . Ոտքի ձայն մը կը լսեմ, անշուշտ ինքն է, թերեւս բաժակը ձեռքս տեսնելով կասկածի . . . մէկ կողմ քաշուիմ:
(Բռնիւն կը Բռնուի և կը Ռննի.)

ՏԵՍԱՐԱՆ Թ.

ԳԱՅԼԱԿ (առանձին)

Սա աներեսներէն քաշածս, ոչ գիշերը քուն և ոչ ցերեկը հանգիստ ունին. ամեն ժամ, ամեն վայրկեան գլուխ կը ցաւցընեն. անպիտանները կարծես թէ հոս կ'առնեն. հազիւ թէ օրիորդը կառքով տեղ մը, դբօսավայր մը կ'երթայ, մէկ մ'ալ կը տեսնես յիսուն կառք օրիորդին կը հետեւին, եթէ թատրոն երթայ՝ դիմացի օթեակներուն մէջ դիտակ 'ի ձեռքն շարուած են, եթէ պարահանդէս երթայ այնչափ պարելու կը հրաւիրեն որ վայրկեան մը հանդիստ չեն թողուր, պատուհանն անգամ ելնէ՝ մեր ան-

շուք փողոցին մէջ անցուդարձին վերջը չգար. իսկ օրիորդին ուղղուած տոմսակներն անթիւ են, առաւօտ, երեկոյ, կէս գիշերուն անգամ յանկարծ դուռը կը բախուի. ձեռքդ գործ մը ունիս, կերակուր կ'ուտես, կը քնանաս, պէտք է ելնել. դուռը կը բանաս՝ մէկ մ'ալ ինչ կը տեսնես, «Սա տոմսակը յոյժ սափազողական է, օրիորդին յանձնեցէք» ստիպողական ըսածն ալ սիրահարաց մէկը գիշերը չէ կրցեր քնանալ, չորս ժամ մտածելէն ետքը երկու տող անճոռնի ոտանաւոր միաքն եկած է և առանց մաներկրորդ մը կտրանցունելու գրած և կէս գիշերուն օրիորդին խրկած է. ես ալ կարծելով թէ նամակին մէջ կառեւոր լուրեր կան, վեր կ'ելնեմ, օրիորդը կ'արթնցունեմ, տոմսակը իրեն կը յանձնեմ՝ նա ալ այսպիսի չնչին բանի մը համար զինքը արթնցունելու համար կը բարկանայ՝ յանցաւորն ես կ'ըլլամ և իբր վարձատրութիւն ծառայութեանս՝ պատուական ծեծ մը կ'ընդունիմ. չիտալն ուր որ ալ ըլլամ, երբ ալ ըլլայ բախտս բաց է, քանի կը ջանամ հաւատարմութեամբ ծառայել՝ այնչափ կշտամբանք և յանդիմանութիւն կը

լսեմ, ախ ես շատոնց այս պաշտօնէն հրա-
ժարած էի բայց հօրեղբայրս թող չտար .
ծառայութիւն չէ այս, փորձանք . (Քաճակ
նշմարելով) ոհ գոնէ սա դաւաթը պարպեմ
և յողնութիւնս առնեմ (կը խօսէ) . ոհ ինչ գե-
ղեցիկ բան է գինին, կարծես թէ նոր զօ-
րութիւն մը կ'զգամ . . . :

ՏԵՍԱՐԱՆ Ժ.

ՀՐԱՊՈՅՐ ԵՒ ԳԱՅԼԱԿ

ՀՐԱՊՈՅՐ

(Շրտապա) Գայլակ, շուտ ճամբայ ել ,
գնայ գտիր Շաւարշը :

ԳԱՅԼԱԿ

Ով իմ թագուհիս , քու հրամաններդ
կատարելու համար արծիւին թեւերն պի-
տի փոխ առնում և թռիմ . ինձ համար
քեզ ծառայելը՝ միլիոնաւոր ժողովրդեան
հրամայելէ քաղցր է . . .

ՀՐԱՊՈՅՐ

(Անհաջերութեամբ) բաւական է , վազէ
հրամանս կատարելու : (Գեղեցիկ) Կոչա մարդ,
կը կարծէ թէ քանի մը խօսք սորվելով՝
կրնայ ինձ հաճելի թուիլ :

ԳԱՅԼԱԿ

Ոհ , մի՛ զայրանաւոր , իմ թագուհիս ,
եթէ անպատշաճ խօսք մը արտասանեցի
անդիտութեամբ , թողութիւն կը խնդրեմ,
եթէ . . .

ՀՐԱՊՈՅՐ

(Ստաբիլ) Երկար խօսք պէտք չէ , փու-
թայ ըսածս կատարել , անբան կենդանի :

ԳԱՅԼԱԿ

Ոհ իմ թագուհիս , ինչո՞ւ այդպէս
սաստիկ կը խոցես սիրտս , միթէ չե՞ս գի-
տեր թէ քեզ , քեզ միայն ծառայելու հա-
մար կ'ապրեմ , թէ քեզ նուիրած եմ բո-
վանդակ անձս , թէ գիշեր ցորեկ միայն . . .

ՀՐԱՊՈՅՐ

(Ստաբիլ) Լուէ , անարգ անասուն ,
շուտ գնայ , եթէ բարկութիւնս գրգռել
չես ուզեր :

ԳԱՅԼԱԿ

Աւա՛ղ , փոխանակ արգահատելու կը
զայրանաւք :

ՀՐԱՊՈՅՐ

(Մեկուտ) Հիմա սա աթոռները գըլ-
խուն պիտի իջեցնեմ : (Բաւար) Գեռ պիտի
խօսիմ :

ԳԱՅԼԱԿ

Խօսք մը՝ եթէ կը հաճիս, բառ մը՝
եթէ կը ներես :

ՀՐԱՊՈՅՐ

(Խորի) Ո՛չ :

ԳԱՅԼԱԿ

Սակայն կ'աղաչեմ օրիորդ :

ՀՐԱՊՈՅՐ

Դեռ հո՞ս ես :

ԳԱՅԼԱԿ

Թո՛ղ օրիորդ , թո՛ղ արտասանեմ խօսք
մը որ ինձ համար կենաց և մահու խնդիր
մ'է :

ՀՐԱՊՈՅՐ

Շուտ ըսէ , ինչ է խօսքդ :

ԳԱՅԼԱԿ

Կը սիրեմ զքեզ :

ՀՐԱՊՈՅՐ

(Կարողութեամբ) Ալ բաւական է , կորիւր
առջևէս , դուրս ել տունէս և մէկ մ'ալ
չտեսնեմ :

ԳԱՅԼԱԿ

(Մոռնալ զնեւ) Սակայն կը սիրեմ զքեզ :

ՀՐԱՊՈՅՐ

(Կարողութեամբ) Անպատկառ շուն , դեռ
կը համարձակի՞ս կըկնել այդ խօսքը :

ԳԱՅԼԱԿ

Օրիորդ , ճաճանչափայլ դէմքդ հո-
գիս կը լուսաւորէ , ձիւնափայլ ձեռներդ
սիրտս կը հրապուրեն , ոսկեթել մազերդ
միտքս կը յափշտակեն , իսկ նսեմաստուեր
աչուքներդ հոգիս , սիրտս , միտքս , ամբողջ
մարմինս սիրոյ տաքնապալի ալէկոծու-
թեանց մէջ կը թաւալեն , 'ի շուր կը ջնսմ
զերծանիլ . . .

ՀՐԱՊՈՅՐ

Վերջապէս պիտի հեռանա՞ս :

ԳԱՅԼԱԿ

Ո՛ր արարածոց չքնաղագոյնը , բնու-
թեան պարծանքը , եթէ գիտնայիր ինչ
հուր , ինչ բնազանցական յանկուցում մը
կ'զգամ զքեզ տեսնելով , հոգւոյս միակ
կայծն , կամացս միակ տիրուհին . . .

ՀՐԱՊՈՅՐ

Դեռ կ'ընդդիմանա՞ս :

ԳԱՅԼԱԿ

Ո՛հ մի՛ բարկանար տիրուհիս , ահա
կ'երթամ :

(Գալէկ և Վիկ)

ՏԵՍԱՐԱՆ ԺԱ.

ՀՐԱՊՈՅՐ ԵՒ ԵՏԻՃ ՇԱԽԱՐՇ

ՀՐԱՊՈՅՐ

(Նորեւ) Այս աստիճանի լրբութիւն
բնաւ տեսնուած է. ծառայ մը այսչափ
ընդդիմանայ . . .

ՇԱԽԱՐՇ

(Ներսիսեւ) Օրիորդ ամեն բան կար-
գադրեցի, յուսով եմ որ իշխանազունը
վաղը քուկդ պիտի բլլայ :

ՀՐԱՊՈՅՐ

(Խորհրդեհ) Ինչ կ'ըսես, Շաւարշ :

ՇԱԽԱՐՇ

Ուղղակի իշխանին պալատը գացի և
իմացայ թէ իշխանազունը հիւանդ է :

ՀՐԱՊՈՅՐ

Աստուած իմ . . . բայց ես երէկ կառ-
քին մէջ տեսայ :

ՇԱԽԱՐՇ

Հիւանդութիւնը երեւակայական է, հե-
տեաքար մեզ օգտակար կրնայ բլլալ :

ՀՐԱՊՈՅՐ

Բայց բաժակն ո՛վ պիտի ներկայացնէ :

ՇԱԽԱՐՇ

Իշխանազունին դաստիարակն իմ վա-
ղեմի բարեկամներէս մէկն է, և երբ որ
ուզէք կրնայ զձեզ ներկայացնել :

ՀՐԱՊՈՅՐ

Ուրեմն շուտ ճամբայ ելնենք, պէտք
եղածը պատրաստէ :

(Լուսնային Կ'Ելնէ)



ԱՐԱՐՈՒԱԾ ԵՐԿՐՈՐԴ

ՏԵՍԱՐԱՆ Ա.

ՎԵՐԻԿԱԿՈՍ ԵՒ ՍՈՒՐԱԿ

ՎԵՐԻԿԱԿՈՍ

Սուրակ, կատարեցի՞ր հրամաններս :

ՍՈՒՐԱԿ

Այո, վեհափառ տէր :

ՎԵՐԻԿԱԿՈՍ

Քանի՛ իմաստուն գտար :

ՍՈՒՐԱԿ

Վեց հատ, վեհափառ տէր :

ՎԵՐԻԿԱԿՈՍ

Ամենն այդչա՞փ :

ՍՈՒՐԱԿ

Տէր իմ, անթիւ են իմաստունները, բայց ես իմաստնագործները միայն հաւաքեցի :

ՎԵՐԻԿԱԿՈՍ

Որո՞նք են այդ վեց անձինքը :

ՍՈՒՐԱԿ

Թափուր փիլիսոփայն, Բշուր բժիշկը,

Կանցուղ վաճառականը, Նենգուստ արհեստաւորը, Արբկեր գործաւորը և Համբեր երկրագործը :

ՎԵՐԻԿԱԿՈՍ

Ո՛ւր են այդ անձինքը :

ՍՈՒՐԱԿ

Դուրսը ձեր վեհափառութեան հրամանին կ'սպասեն :

ՎԵՐԻԿԱԿՈՍ

Գումարուի ժողովն, և բացուի ատեանը :

(Կէ Վիշի հռչակէր լիկնապահս)

ՍՈՒՐԱԿ

(Պալատիանի ժ.) Ներս հրաւիրէ յանձնաժողովոյ անդամները :

ՏԵՍԱՐԱՆ Բ.

ՍՈՒՐԱԿ, ԹԱՓՈՒՐ, ԲՇՈՒՐ, ԿԱՆՑՈՒՂ, ՆԵՆԳՈՒՍՏ, ԱՐԲԿԵՐ ԵՒ ՀԱՄԲԵՐ

ՍՈՒՐԱԿ

(Առեանը Բանալը) Հրամանաւ մեծի վերկազոսի իշխանին բովանդակ Պոլոնիոյ այսօր ժողովեցի զձեզ իշխանազունին ցաւալի վիճակին վերայ խորհուրդ հարցնելու

կամ լաւ եւ քսելով քոտ օրինի նորա առողջութիւնը կարգադրելու համար, ինչպէս որ հանրածանօթ է օրինասիրութեան նորին վեհափառութեան որ լաւագոյն համարի օրինաւորապէս դարմանելով՝ մեռցնել որդին քան թէ ապօրինաւոր կերպով բժշկաց դիմել եւ առողջացնել: Իշխանադունին հիւանդութիւնը ոչ թէ նիւթական այլ բարոյական է. որ դաղափարաց խանդարումէն եւ երեակայութեան շփոթութենէն յաւաջ եկած ըլլալով, կանխաւ կ'իմացնեմ թէ նիւթական դեղերն ոչ միայն անգործադրելի պիտի մնան, այլ եւ օգուտ պիտի չընեն: Արդ պարոնայք, ձեր հանրածանօթ իմաստութեանը կը դիմեմ այս դժնդակ հիւանդութեան դարման մը գտնելու համար, ուստի պէտք է որ իւրաքանչիւրն 'ի ձէն իւր կարծիքը յայտնէ:

ԹԱՓՈՒՐ

Բարոյական հիւանդութեանց նիւթական դեղ չըլլար ըսիք որ սխալ դատողութիւն մ'է, չգործադրուած դեղերէն օգուտ մը սպասեցիք որ առողջ դատողութեան գործ չէ, մեզ դիմելով օրինաւորա-

պէս իշխանադունը բժշկել կարծեցիք որ սխալ համոզում մ'է:

ՍՈՒՐԱԿ

Շնորհակալ եմ ձեր քննադատութիւններէն որ ձեր հաղուագիւտ իմաստութեանը փորձը կանխաւ մեզ յայտնելու նպատակաւ են, սակայն խնդրէն շեղե . . .

ԹԱՓՈՒՐ

Ո՛չ, պարոն նախագահ, չարաչար կը մեղանչէք իմ դիտողութեանցս սխալ մեկնութիւններ տալով. այդպիսի անճոռնի սնապարծութիւններ մտքէս անգամ անցած չեն:

ՆԵՆԳՈՒՍՏ

Այո՛, իրաւունք ունի պարոն Թափուր, կը բողոքեմ՝ նախագահին սխալ մեկնութեանց դէմ:

ԿԱՆՅՈՒՂ

Ո՛չ, բնաւ իրաւունք չունիք բողոքելու:

ԱՐԲԿԵՐ

Պարոն նախագահ, օրինաց 28 երորդ յօդուածին կը հակառակիք առանց ժողովականաց կամքն հասկնալու վիճաբանութեան սկսելով. ձեր պարտքն էր ժողովոյս

գումարման պատճառն յայտնելէն ետքը
ժողովականաց հաւանութիւնը ստանալ ,
փոխանակ վիճաբանութեան սկսելու . երբ
օրէնքը կը բռնաբարուի ես չեմ կրնար
հանդուրժել :

ՆԵՆԳՈՒՍ

Այո , նախ պէտք է քուէով որոշուի
թէ վիճաբանութեան սկսել հարկ է թէ ոչ :

ՀԱՄԲԵՐ

Պարոն նախագահն առանց ժողովակա-
նաց որոշման ժողով գումարելով անհատա-
կան իրաւանց դէմ կը գործէ :

ԹԱՓՈՒՐ

Պարոնայք , չարաչար կը մեղանչէք կար-
ծելով թէ վիճաբանութեան սկսած ենք .
եւս պարզապէս պարոն նախագահին խօս-
քերը հասկանալի ընելու համար քանի մը
դիտողութիւններ ըրի , թերեւս նախագա-
հին ծանր թուին , բայց ես ընդհանուրին
օգուտը միայն կը մտածեմ . իսկ երբ սը-
խալ մեկնութիւններ տեղի կ'ունենան իմ
բողոքելու բնական է :

ՆԵՆԳՈՒՍ

Արդարեւ իրաւունք ունի պարոն Թա-
փուր բողոքելու :

ՀԱՄԲԵՐ

Այո , ճշոււմ կը բանեցնէ պարոն նա-
խագահը :

ԱՐԲԿԵՐ

Գաղափարաց ազատութիւնը կը բռ-
նաբարուի :

ԲՇՈՒՐ

Պարոնայք , բռնական իրաւանց դէմ
կը գործէք :

ԱՆՅՈՒՂ

Քուէ կ'ուզենք , քուէի դրուի :

ՀԱՄԲԵՐ

Ոչ , նախ խնդիրը լուսաբանելու է :

ԹԱՓՈՒՐ

Կը բողոքեմ . պարոն նախագահին դէմ
որ իմ ժողովական իրաւունքս կը բռնա-
բարէ :

ՆԵՆԳՈՒՍ

Այո , ճշոււմ կը բանեցնէ :

ՏԵՍԱՐԱՆ Գ.

ՆՈՅՆՔ ՎԵՀՈՒՆԱԿ ԵՒ ԲԱՐԻԿ

ՎԵՀՈՒՆԱԿ

(Ներսէս Գրիգոր) Ինչ աղմուկ է այս , պա-
րոնայք , հոս ոչ գինեատուն է և ոչ յիմա-

բանոց՝ դսւրս կորսուեցէք ամենքդ ալ :
(վէ՛ր ժողովակա՛ն + դու՛րս կ'ենեն) : Սուրակ , ինչո՞ւ
է այս խենդերը հոս ժողովեր ես :

ՍՈՒՐԱԿ

Ի՞նչ կ'ըսէք , տէր իմ , քաղաքին հըռ-
չակաւոր իմաստուններն են :

ՎԵՀՈՒՆԱԿ

Ուրեմն . . . վայ քեզ Պօլոնեա :

ԲԱՅԻԿ

Մի՛ ցաւիք , տէր իմ , ամեն բան իւր
եղանակն ունի , այս ալ խենդերունն է :

ՎԵՀՈՒՆԱԿ

Եւ ապրելու է . խենդերու հրամայելու
համար :

ԲԱՅԻԿ

Ի՞նչ պէտք ունիք մեռնելու տէր իմ , ին-
չո՞ւ այդպէս կ'աճապարէք , եթէ ձեզ նման
իշխանազուն մը այսպէս ըսէ , ես ինքզինքս
ծովը նետելու եմ :

ՎԵՀՈՒՆԱԿ

Անտարակոյս , ի՞նչու կ'սպասես :

ԲԱՅԻԿ

Ձեր հրամանին :

ՎԵՀՈՒՆԱԿ

Այդ մասին ապահով եղիւ , ամեն վայր-
կեան ազատ ես ուղածիդ չափ խեղդուելու :

ԲԱՅԻԿ

(Դիւրա՛ն) Ի՞նչ մարդասէր առաջարկու-
թիւն :

ՎԵՀՈՒՆԱԿ

Ի՞նչ կը մտմտաս , միթէ խօսքերս զար-
մանք կը պատճառեն քեզ , ըսէ ինձ , աշ-
խարհ եկար և ի՞նչ ըրեր :

ԲԱՅԻԿ

Կերայ , խմեցի և զուարճացայ :

ՎԵՀՈՒՆԱԿ

Եւ ի՞նչ է այդ զուարճութիւն կոչածդ :

ԲԱՅԻԿ

Գեղեցիկ զբօսավայր մը , դալար մար-
դադեօրիններ , աւաղաններ , կարկաչահոս
ջրեր . . .

ՎԵՀՈՒՆԱԿ

Ամեն զբօսավայրերը շրջեցայ և այնչափ
տաղտկութիւն պատճառեցին ինձ որ ան-
կարելի եղաւ , երկու անգամ տեղ մը եր-
թալ :

ԲԱՅԻԿ

Ամեն տեսակ համադամ կերակուրներ ,
առատ գինի , զանազան ըմպելիք , տեսակ
տեսակ պտուղներով և ծաղիկներով զար-
դարեալ ճոխ սեղան մը . . .

ՎԵՀՈՒՆԱԿ

Այդ ամենուն անուններն անգամ զըզ-
ուանք կը պատճառեն ինձ :

ԲԱՅԻԿ

Ամեն տեսակ նուագարաններէ բաղկաց-
եալ հեշտալի երաժշտութիւն մը . . . :

ՎԵՀՈՒՆԱԿ

Չկայ ձայն մը որ գլխուս ցաւ չպատ-
ճառէ :

ԲԱՅԻԿ

Աննան պայծառ գիշերները, սրնթաց
մակոյկներով ձուկ որսալու, ցերեկները գե-
ղեցիկ նժոյգներու վերայ հեծած բազմա-
թիւ շուններով որսի երթալ . . .

ՎԵՀՈՒՆԱԿ

Ձանձրոյթ և յոգնութիւն :

ԲԱՅԻԿ

Գեղեցիկ օդով ճանապարհորդել, օ-
տար երկիրներ, նոր բնակիչներ տեսնել . . .

ՎԵՀՈՒՆԱԿ

Ո՛ւր որ գացի զգուանքս աւելցան :

ԲԱՅԻԿ

Լարախաղաց և ձեռնածուաց ներկայաց-
մանց, ծիծաղաշարժ կատակերգութեանց
հանդիսատես ըլլալ . . .

ՎԵՀՈՒՆԱԿ

Մնտօր տեսարաններ որ փոխանակ զը-
ւարճութեան զայրոյթ կը պատճառեն :

ԲԱՅԻԿ

Վերջապէս, գեղեցիկ օրիորդաց հետ
խաղալ, պարել . . .

ՎԵՀՈՒՆԱԿ

Լուէ, կանանց անունը լսեմ կը դարչիմ :

ԲԱՅԻԿ

Ծառայ եմ վեհափառութեանդ . շատ
մարդիկ տեսայ, բայց ոչ ոք ձեզ նման ան-
զգայ :

ՎԵՀՈՒՆԱԿ

Կենացս մէջ, անգամ մը, անգամ մը
միայն զուարճութիւն զգացի :

ԲԱՅԻԿ

Ե՛րբ տէր իմ, հրաշք մ'է :

ՎԵՀՈՒՆԱԿ

Երբ իմացայ թէ՛ մէկ օրուան մէջ ժան-
տախտէն հաղար հինգ հարիւր քաղաքացի
մեռած են :

ԲԱՅԻԿ

(Պէտէ) Երանի այն ժողովրդեան որ
այսչափ գթասիրտ իշխան մը ունի :

ՏԵՍԱՐԱՆ Դ.

ՆՈՅՆՔ ԵՒ ԱՄԲԱՐՏԱԿ

ՎԵՀՈՒՆԱԿ

Ի՞նչ լուր, Ամբարտակ, դարձեալ զուարթ ես:

ԱՄԲԱՐՏԱԿ

Ո՛վ իմ սիրելի իշխանիկս, նոր գիւտ մը, նոր ըմպելիք մը որոյ մէկ բաժակը միայն մարդուս նեղութիւնները կը դադարեցնէ, մարմնոյն ջերմութիւնն և մտացը զուարթութիւն կու տայ, շնչառութիւնը կը դիւրացնէ, արեան շրջանը կը կանոնաւորէ, դէմքերը կը զօրացնէ, երեւակայութիւնը կը բարձրացնէ . . .

ՎԵՀՈՒՆԱԿ

(Ընդմիջելով) Ի՞նչ ըմպելիք է այդ որ այդչափ կը գովես:

ԲԱՅԻԿ

(Դիտելով) Այնչափ գովեց որ իմ ալ ախորժակս բացուեցաւ:

ԱՄԲԱՐՏԱԿ

(Կ'երթայ և բաժակ 'ի յետին հոնելով) Ահա ապիկ տէր իմ, բաժակ մը որ մարդուս նոր կեանք կու տայ, անցելոյն դառնութիւն-

ները կը մոռցնէ և ապագայն յուսով կը քաջալերէ:

ՎԵՀՈՒՆԱԿ

(Խիստ երիտ) Արդարեւ ջերմութիւն մը կ'զգամ, աղատ շունչ կ'առնեմ, ինչ է այս ըմպելիքին անունը:

ԱՄԲԱՐՏԱԿ

Այս գերբնական հեղուկը, կենաց բաժանի և զայն հնարողը կ'ըն մ'է, տէր իմ:

ՎԵՀՈՒՆԱԿ

Կի՞ն մը. և ո՛վ է այդ կինը:

ԱՄԲԱՐՏԱԿ

Ահաւասիկ, նոյն ինքն օրիորդն է:
(Հրահրելով ցոլանքով որ այն ժողովն ներս կը մտնէ)

ՏԵՍԱՐԱՆ Ե.

ՎԵՀՈՒՆԱԿ, ԲԱՅԻԿ, ԱՄԲԱՐՏԱԿ

ՍՈՒՐԱԿ ԵՒ ՀՐԱՊՈՅՐ

ՎԵՀՈՒՆԱԿ

(Դիտելով) Ո՛վ է՛ այս կինը, քանի կը դետեմ գինքը սիրտս կը բարախէ, գեղեցկութիւնը համակրութիւնս կ'աւելցնէ:

ՀՐԱՊՈՅՐ

(Կ'արդարեւելով) Ձեր մեծութեան փոքրիկ ծաւայութիւն մը ընելու համար էր որ այդ-

հեղուկը պատրաստեցի, արդ զայն չմեր-
ժեցով, զիս վարձատրած էք և շնորհակա-
լութիւնս յայտնելով թողութիւն կը խընդ-
րեմ . . .

(ԲԷՆԷԼ ԿԵՆԵԱՅԷԼ)

ՎԵՀՈՒՆԱԿ

Կեցիր, կեցիր օրիորդ, մի՛ մեկնիր այդ-
չափ շուտ :

ՀՐԱՊՈՅՐ

Սակայն տէր իմ . . .

ՎԵՀՈՒՆԱԿ

Օրի՛որդ, քեզ տեսնելէս ի վեր նոր բան
մը կ'զգամ: Կարծես նոր կեանք մը կ'սկսի
ինձ համար . . ., նո՛ր երազներ կը պաշարեն
զիս . . . նո՛ր բան մը, նոր զօրութիւն մը կը
քաջալերէ զիս . . . վերջապէս ինչ բսեմ,
ինչպէս բացատրեմ, նոր զգացում մը կը խը-
ռովէ զիս . . . զարմանալի յափշտակութիւն
մը, տէր մը . . . այո՛, այո տէր մը . . . կը
սիրեմ, կը սիրեմ գրեզ :

ՀՐԱՊՈՅՐ

(ԲԷՆԷԼ) Վերջապէս այս խրոխտ իշխա-
նազունը խոնարհեցուցի :

ՎԵՀՈՒՆԱԿ

Ո՛հ, ըսէ օրիորդ. դու ալ նոյն զգաց-
ման ենթակայ չես, դու ալ մասնաւոր հա-

մակրութիւն մը չե՛ս զգար ինձ համար, կ'ա-
զաչեմ, յայտնէ սիրտդ անկեղծաբար . ճանչ-
նամ ճակատագիրս :

ՀՐԱՊՈՅՐ

Վեհազն տէր, դժուարին են պահանջ-
մունքդ (ԲԷՆԷԼ ՅԵԱՅԷԼ) թողէք զիս, տէր
իմ . . .

ՎԵՀՈՒՆԱԿ

Կեցիր օրիորդ, այդչափ շուտով մի՛ զըր-
կեր ինէ չքնաղ գէմքդ՝ զոր տեսած վայր-
կենիս կարծես թէ կայծ մը թռաւ այն քոյ
կախարդիչ աշուճներէն և սրտիս մէջ բը-
ռքնկցուց կրակ մը՝ որ կը տոչորէ բոլոր մար-
մինս :

ՀՐԱՊՈՅՐ

Ոչ, տէր իմ, յուզուելու առիթ մը չը-
կայ, թողութիւն կը խնդրեմ . . .

ՎԵՀՈՒՆԱԿ

Կեցիր օրիորդ, վայրկեան մը շնորհէ
ինձ, ո՛հ, երբ զքեզ չեմ տեսներ՝ աշխարհ
կը մթագնի ինձ համար . օն գթա օրիորդ,
մթութեան մէջ մի՛ թողուր զիս :

ՀՐԱՊՈՅՐ

Ո՛հ թողէք տէր իմ, երթամ: ձեր այդ
խօսքերը դառն աղքեցութիւն մը կ'ընեն
ինձ :

ՎԵՀՈՒՆԱԿ

Գոնէ յուսոյ նշոյլ մը թո՛ղ ինձ՝ մեկնելէ
առաջ, արտասանէ բառ մը ուստի կախեալ
է ապագայս, ըսէ ինձ միայն « կը սիրեմ »

ՀՐԱՊՈՅՐ

(ԴԷՆԻՆԻ) Ինչ ըսեմ . . . եթէ յայտնեմ
սիրտս . . . բայց ոչ, ոչ, սէրը սաստկացը-
նելու համար պէտք է դժուարութիւններ
յարուցանել:

ՎԵՀՈՒՆԱԿ

Օ՛ն օրիորդ, վճռէ, կեանք կամ մահ:

ՀՐԱՊՈՅՐ

Չեմ կրնար:

ՎԵՀՈՒՆԱԿ

Ուրեմն կը սիրես զիս:

ՀՐԱՊՈՅՐ

Ոհ տէր իմ, ձեր հարցումները կը խը-
ռովեն զիս թողէք, թողէք երթամ: (Կէ
ԴԷՆԻՆԻ շարադրանք)

ՎԵՀՈՒՆԱԿ

Ոհ կեցիր. կեցիր: (Կէ ԴԷՆԻՆԻ շարադրանք)

ՍՈՒՐԱԿ

Ես այս դործէն բան մը չհասկցայ:

ԲԱՅԻԿ

Իշխանազուներ որ կ'ատէր համայն մարդ-

կութիւնը, խոնարհի կնոջ մը առջեւ և այդ-
պիսի տգեղ և անճոռնի կնոջ մը . . .

ՍՈՒՐԱԿ

Ինչ կը տեսնեմ, իշխանը: (ԴԷՆԻՆԻ) Ինչ
ըսելու է յանձնաժողովին վրայօք:

ՏԵՍԱՐԱՆ Զ.

ՎԵՐԻԿԱԿՈՍ, ՍՈՒՐԱԿ, ԲԱՅԻԿ ԵՒ

ԹԻԿՆԱՊԱՀՔ

ՎԵՐԻԿԱԿՈՍ

Սուրա՛կ:

ՍՈՒՐԱԿ

Վեհափա՛ռ տէր:

ՎԵՐԻԿԱԿՈՍ

Ի՛նչ որոշեց ժողովք:

ՍՈՒՐԱԿ

Ա՛հ, վեհափառ տէր, հաղիւ թէ այդ
պատկառելի իմաստունները հաւաքուեցան
և որոշում մը պիտի տային մէկ մ'ալ . . .

ՎԵՐԻԿԱԿՈՍ

Ի՛նչ:

ՍՈՒՐԱԿ

Աւա՛ղ:

ՎԵՐԻԿԱԿՈՍ

(անհաճութեամբ) Ի՛նչ կայ:

ՍՈՒՐԱԿ

Իշխանազունը . . .

ՎԵՐԻԿԱԿՈՍ

Ի՞նչ կայ, վտա՛նդ մը պատահեցաւ :

ՍՈՒՐԱԿ

Ժողովականները վռնտեց :

ՎԵՐԻԿԱԿՈՍ

Ի՞նչ կ'ըսես, շուտ . կանչեցէք Վեհու-
նակը (+առէ Բէ անչէն + Է Դեմի) օրէնքը բռնա-
բարեւ . . . իմ հրաւիրած անձինքս վռնտել :

ՍՈՒՐԱԿ

Մի զայրանաք տէր իմ, հիւանդութեան
հետեւանքն է . . .

ՎԵՐԻԿԱԿՈՍ

Ոչ, ոչ, ես բացառութիւն չեմ ճանչնար :

ՍՈՒՐԱԿ

Աւաղ, ինք իւր գերեզմանը կը փորէ,
եթէ թողուր որ այն մեծահանճար մարդիկ
դարման մը խորհէին :

ՎԵՐԻԿԱԿՈՍ

Եթէ որոշում մը չորոշեցաւ, հարկաւ
առաջարկութիւններ եղան :

ՍՈՒՐԱԿ

Ո՛հ տէր իմ, վիճաբանութեան տաքցած
միջոցին յանկարծ իշխանազունը վրայ հա-
սաւ և առաջարկութեանց ժամանակ չմնաց :

ՎԵՐԻԿԱԿՈՍ

Ինչ կ'ըսես Սուրակ, առաջարկութիւն
չեղած ինչպէս վիճաբանութիւն կ'ըլլայ :

ՍՈՒՐԱԿ

Բայց վեհափառ տէր, ձեր այդ բաժն
ամենուն համար չէ, իմաստուն մարդիկ ա-
ռաջ կը վիճաբանեն և ետքը կ'առաջարկեն :

ՎԵՐԻԿԱԿՈՍ

Ուրեմն մարդարէական ոգի ունին որ ըլ-
լալիք առաջարկութիւնը կանխաւ կ'իմանան :

ՍՈՒՐԱԿ

Անտարակոյս :

ՎԵՐԻԿԱԿՈՍ

Լաւ, լաւ, ուրեմն ինչ բանի վերայ կը
վիճաբանէին :

ՍՈՒՐԱԿ

Առաջին, բարոյական հիւանդութեանց
նիւթական դեղ կ'ըլլայ թէ ոչ . երկրորդ-
չգործադրուած դեղն օգտակար կրնայ ըլ-
լալ թէ ոչ . երրորդ յանձնաժողովոյ կտր-
դադրութիւնները օգուտ պիտի ընեն թէ ոչ :

ՎԵՐԻԿԱԿՈՍ

Ինչ հանճարեղ մարդիկ, աբաղային
վերայ անգամ կը վիճաբանեն, ամսոս, չթո-
ղուց որ դարման մը որոշէին թերեւս մին-
չեւ ցարդ որդիս առողջացած էր :

ԲԱՅԻԿ

(Բեկոսի) Վայ այն հիւանդին որոյ բը-
ժըշկութիւնը խենդերու յանձնուած է :

ՍՈՒՐԱԿ

Արդարեւ ցաւալի է :

ՏԵՍԱՐԱՆ Է.

ՆՈՅՆՔ ԵՒ ՎԵՀՈՒՆԱԿ

ՎԵՀՈՒՆԱԿ

(Խառնից ներկայ թարգմանաց ուղարկութիւն ընելու)
Գնաց անգութն, առանց աղաչանացս տն-
սալու :

ՎԵՐԻԿԱԿՈՍ

(Բարկութեամբ) Վե' հունակ :

ՎԵՀՈՒՆԱԿ

(Հարսնակելով) Սակայն պիտի գտնեմ զին-
բը, ուր որ ալ բլայ :

ՎԵՐԻԿԱԿՈՍ

(Բարկութեամբ) Վե' հունակ, չե'ս լսեր ինձ :

ԲԱՅԻԿ

(Վեհունակի մօտենալով) Հայրդ է, քեզ կը
կանչէ :

ՎԵՀՈՒՆԱԿ

Ինչ է, հայր իմ :

ՎԵՐԻԿԱԿՈՍ

Ծանր ամբաստանութիւններ կ'ըլլան
քեզ դէմ :

ՎԵՀՈՒՆԱԿ

(Խառնից հօրը խօսեցողն ուղարկութիւն ընելու)
Ոհ, արդեօք պիտի գտնեմ զինքը, պիտի
տեսնեմ բազկացս մէջ այդ սիրուն աղաւնին :

ՎԵՐԻԿԱԿՈՍ

(Խորի) Քեզ կ'ըսեմ, օրինաց եօթանա-
սուն ութերորդ յօդուածն բռնաբարեր
ես :

ՎԵՀՈՒՆԱԿ

(Խոյնակ) Հայր իմ, հայր իմ, պիտի ա-
մուսնացնես զիս այնպէս չէ :

ՎԵՐԻԿԱԿՈՍ

(Կարաղօթեամբ) Հարցմանցս չպատասխա-
նե՞ս :

ՍՈՒՐԱԿ

Մի' զայրանաք, վեհափառ տէր, կը տես-
նէք թէ յուզման մէջ է և ձեր խօսքերը
չլսեր :

ՎԵՐԻԿԱԿՈՍ

Լսէ, չլսէ, պէտք է պատասխանէ :

ՍՈՒՐԱԿ

(Բեկոսի) Իրաւացի խօսքին ինչ կրնամ
ըսել :

ԲԱՅԻԿ

(Դեկտեմբեր) Զլտուած խօսքին պատասխանը
այսչափ կրնայ ըլլալ:

ՎԵՀՈՒՆԱԿ

(Յնկան վերայ հաւով և աղէրսանոց) Կը սիրեմ
հայր իմ. կը սիրեմ . . .

ՎԵՐԻԿԱԿՈՍ

Սիրելէ առաջ պէտք է հնազանդիլ ինձ
և օրէնքը յարգել, փոխանակ այն մեծա-
հանճար անձինքն որ հրաւիրած էի՝ վաճառ-
տելու:

ՎԵՀՈՒՆԱԿ

Հայր իմ, երբ պիտի ամուսնացնես զիս:

ՎԵՐԻԿԱԿՈՍ

Դարձեալ ամուսնութիւն:

ՎԵՀՈՒՆԱԿ

Ոհ չեմ գիտեր հայր իմ, որչափ կը սի-
րեմ զինքը:

ՎԵՐԻԿԱԿՈՍ

Զո՞վ:

ՎԵՀՈՒՆԱԿ

Երկնային հրեշտակ մը, որոյ նմանը չկայ
աշխարհիս վերայ:

ԲԱՅԻԿ

(Դեկտեմբեր) Արդարեւ նմանը չկայ:

ՎԵՐԻԿԱԿՈՍ

(Դարձանոց) Հրեշտակ մը . . .

ՎԵՀՈՒՆԱԿ

Այս հրեշտակն ուրիշներու չնմանիր, հայր
իմ, հազիւ թէ տեսայ, յափշտակեց սիրտս:

ԲԱՅԻԿ

(Դեկտեմբեր) Մինչև ցարդ կը կարծէի թէ
հրեշտակները միայն հոգին կը յափշտակեն:

ՎԵՐԻԿԱԿՈՍ

(Դեկտեմբեր) Աւա՛ղ, սկսաւ զառանցել . . .
հրեշտակաց հետ կը խօսի, ալ ծանրացաւ
վիճակը (Բարձր և Սուրբ) Սուրակ շուտ յանձ-
նաժողովը հաւաքէ. օր ըստ օրէ որդւոյս
հիւանդութիւնը կը սաստկանայ:

ՏԵՍԱՐԱՆ Ը.

ՎԵՀՈՒՆԱԿ ԵՒ ԲԱՅԻԿ

ԲԱՅԻԿ

Ի՞նչ կայ, տէր իմ, այդ ի՞նչ յուսահատ
դէմք է:

ՎԵՀՈՒՆԱԿ

Ա՛հ:

ԲԱՅԻԿ

Ի՞նչ, տէր իմ, դուք ալ սկսաք հառա-
չել:

ՎԵՀՈՒՆԱԿ

Այն կինը . . . այն կինը գնաց:

ԲԱՌԻԿ

Բնաւ մի՛ կասկածիք, տէր իմ, չկայ կին
մը՝ որ ձեզ նման իշխանազունի մը սէրը ա-
նարդէ :

ՎԵՀՈՒՆԱԿ

Բայց նա մերժեց . . .

ԲԱՌԻԿ

Մի՛ խաբուիք տէր իմ, կնոջ մը խօս-
քերէն . նոցա սովորութիւնն է հաւանու-
թիւն տալէ առաջ մերժել . արդարեւ բեր-
նով անկարելի է կ'ըսէր, բայց սիրտը . . .

ՎԵՀՈՒՆԱԿ

Ամբարտակ կու գայ, տեսնենք, ի՛նչ
լուր կը բերէ :

ՏԵՍԱՐԱՆ Թ .

ՎԵՀՈՒՆԱԿ, ԲԱՌԻԿ ԵՒ ԱՄԲԱՐՏԱԿ

ԱՄԲԱՐՏԱԿ

Քաջալերուեցէք, տէր իմ, յաջողեցայ
դանել օրիորդին բնական տունը :

ՎԵՀՈՒՆԱԿ

Ուրեմն կրնանք երթալ :

ԱՄԲԱՐՏԱԿ

Այո՛, տէր իմ, ե՛րբ որ կամիք :

ՎԵՀՈՒՆԱԿ

Ե՛րբ, միթէ կը հարցնե՞ս, կրնամ վայր-
կեան մը սպասել :

ԱՄԲԱՐՏԱԿ

Երթանք ուրեմն : (Կը շփշփի վեհաւանի հետ :)

ԲԱՌԻԿ

(առանձին) Կեցցես Ամբարտակ, ինչուդ
սէտք է դաստիարակութիւն, ահաւասիկ
շահաւոր արհեստ մը :

(Վարդապետ ի՛նչէ)

ԱՐԱՐՈՒԱԾ ԵՐՐՈՐԴ

ՏԵՍԱՐԱՆ Ա.

ՀՐԱՊՈՅՐ ԵՒ ՇԱԽԱՐՇ

ՇԱԽԱՐՇ

Օրիորդ , իշխանազունը պիտի դայ :

ՀՐԱՊՈՅՐ

Ուստի՞ իմացար :

ՇԱԽԱՐՇ

Խնամակալը իմացուց ինձ :

ՀՐԱՊՈՅՐ

Ուրեմն պատրաստութիւն տեսնենք ,
չուտ իմացուր վարը մարդոց որ բաց 'ի նո-
րին մեծութենէն , ոչ ոք ընդունեն ներս :

(Շատարչ իւ Դիւի)

Այլ փափագանացս պիտի հասնիմ , վերջա-
պէս երջանիկ պիտի ըլլամ . . . դուռը կը
բախուի , ինքն է անշուշտ : (Դիւի 'ի դուռը կը
բախուի , Գայլի իւ դիմաւորէ)

ՏԵՍԱՐԱՆ Բ.

ՀՐԱՊՈՅՐ , ԳԱՅԼԱԿ , ՅԵՏՈՅՇԱԽԱՐՇ

ԳԱՅԼԱԿ

Ո՛վ իմ՝ Թագուհիս , գթ'ա Թշուառիս և
մի՛ նախատեր . . .

ՀՐԱՊՈՅՐ

(Բարկաւեա՛ք) Ի՛նչ կը համարձակի՞ս դարձ-
եալ տանս մէջ ոտք կոխել :

ԳԱՅԼԱԿ

Եթէ դիտնայիր պատճառն , այնչափ
խստիւ չէիր դատապարտէր զիս :

ՀՐԱՊՈՅՐ

Օ՛ն , շուտ , դուրս ել . և մէկ մ'ալ զքեզ
հոս չտեսնեմ :

ԳԱՅԼԱԿ

Գթ'ա՛ , օրիորդ , արգահատէ արտաս-
ուացս , մի՛ վռնտեր զիս անխղճաբար :

ՀՐԱՊՈՅՐ

(Դիւի) Հիմա իշխանիկս կու դայ , այս
Թշուառականն ալ ո՛ւսկից դէմս ելաւ :

ԳԱՅԼԱԿ

Ո՛հ , այն որ այս հրատապ աշուքներն ,
այս վեհապանծ յօնքերն , այս ծիրանի այ-
տերը , այս ոսկեթել մազերը , այս գողտ-

ըրիկ ձեռներն ունի, ի՛նչ կ'ըսեմ, նոյն իսկ
գեղեցկութիւնն անձնաւորեալ՝ պէ՞տք էր
այս աստիճանի անգութ սիրտ մը ունենալ. . .
աւա՛ղ, ծաղկանց թագուհին անգամ փշե-
րէ ազատ չէ:

ՀՐԱՊՈՅՐ

Կամաւ դուրս պիտի կորսուի՞ս, եթէ
ոչ, անարգ շան մը նման ծեծելով դուրս հա-
նել տամ:

ԳԱՅԼԱԿ

Ո՛վ իմ թագուհիս, ահա կ'երթամ.
Էրբ հրամայեցիր ինձ և ես չհնազանդեցայ.
ահա կ'երթամ, հանգարտ եղիր. ահա կ'եր-
թամ, բայց պիտի ղղձաս . . . այո՛. . .

ՀՐԱՊՈՅՐ

(անհամբերութեամբ) Կ'երթամ կ'ըսես և գեռ
հոս ես:

ԳԱՅԼԱԿ

Կ'երթամ, թագուհիս, կ'երթամ. բայց
կ'աղաչեմ, կը պաղատիմ, մեկնելէս առաջ
թշուառ կենացս իբր միակ մխիթարութիւն
ըսէ ինձ «կը սիրեմ զքեզ»:

ՀՐԱՊՈՅՐ

Դեռ կը համարձակի՞ս:

(Շատարշ կը հոնէ և կը դէպէ շ. Գայլուն)

ԳԱՅԼԱԿ

Ո՛վ իմ թագուհիս, եթէ Ռափայէլի

վրձինը ունենայի զքեզ միայն պիտի նկարէի,
եթէ Հոմերոս մ'ըլլայի զքեզ միայն պիտի
երգէի:

ՇԱԽԱՐՇ

(Դիւստի) Խեղճ տղայ, դու ալ այս թա-
կարդն ինկար:

ԳԱՅԼԱԿ

Բաբէ՛, 'ի դուր կը պաղատիմ:

ՀՐԱՊՈՅՐ

(Խեղճելով շատարշ) Շաւա՛րշ, շուտ դուրս
հանէ սա կոշտ մարդը: (Կը Դիւստի)

ՏԵՍԱՐԱՆ Գ.

ԳԱՅԼԱԿ ԵՒ ՇԱԽԱՐՇ

ԳԱՅԼԱԿ

Օ՛րիորդ, վերջին խօսք մ'ալ. . .

ՇԱԽԱՐՇ

Է՛հ, է՛հ, շուտ դուրս կորսուէ:

ԳԱՅԼԱԿ

Գոնէ դուք գթացէք եղկելոյս . . .

ՇԱԽԱՐՇ

Հահ, հահ, հահ. թշուառ երիտասարդ,
ի՛նչպէս ալ յորդ արտասուք կը թափէ,
սակայն օր մը առաջ կը ծիծաղէր այլոց վե-
րայ:

ԳԱՅԼԱԿ

Ո՛հ կը զղջամ ե գառնապէս կը զղջամ:

ՇԱԽԱՐՇ

Թշուառ տղայ, դու ալ աւանակաց
կարդը դասեցար:

ԳԱՅԼԱԿ

Ո՛հ չէք գիտեր, ի՛նչ է սէրը . . .

ՇԱԽԱՐՇ

Սակայն այսպէս խռփած պառաւի մը սի-
րահարեւ . . . ի՛նչ էշութիւն:

ՏԵՍԱՐԱՆ Դ.

ԳԱՅԼԱԿ, ՇԱԽԱՐՇ ԵՒ ԾԱՌԱՅ ՄԸ

ԾԱՌԱՅ ՄԸ

Իշխանազունը . . .

ՇԱԽԱՐՇ

(Հրապարակ) Ներսիս մտցուր (տա Գրիգոր) չուտ
դուրս ել:

ԳԱՅԼԱԿ

Բայց . . .

ՇԱԽԱՐՇ

Եթէ վայրկեան մ'ալ դանդաղիս . . .

ԳԱՅԼԱԿ

Բայց կ'աղաչեմ . . .

ՇԱԽԱՐՇ

Հիմա աղաչանքը կը սորվեցնեմ (ձեռնաշար)

Դուրս կը վազէ) այս աստիճանի կատաղի սի-
րահար բնաւ տեսնուած չէ . . . Երթամ
չուտ օրիորդին իմացնեմ իշխանազունին
գալուտը:

(Կէ Դէ)

ՏԵՍԱՐԱՆ Ե.

ՎԵՀՈՒՆԱԿ ԵՒ ԱՄԲԱՐՏԱԿ

ՎԵՀՈՒՆԱԿ

Ամբարտակ, ո՛ւր է արդեօք օրիորդը,
չեմ տեսներ զինքը:

ԱՄԲԱՐՏԱԿ

Հիմա կու գայ, տէր իմ:

ՎԵՀՈՒՆԱԿ

Բայց այսպէս ուշանալը բարի նշան մը չէ:

ԱՄԲԱՐՏԱԿ

Ահաւասիկ տէր իմ, ինքն է, հոս կու
գայ:

ՏԵՍԱՐԱՆ Զ.

ՎԵՀՈՒՆԱԿ, ՀՐԱՊՈՅՐ ԱՄԲԱՐՏԱԿ

ԵՒ ՇԱԽԱՐՇ

ՎԵՀՈՒՆԱԿ

Ո՛ւր ես, սիրելիդ իմ:

ՀՐԱՊՈՅՐ

Վեհազն տէր, դռք հոս . . .

ՎԵՀՈՒՆԱԿ

Այո եկայ օրիորդ, եկայ վերջին վճիռս լսելու . քու մէկ խօսքէն կախեալ է երջանս կուժիւնս կամ մահս . քսէ ինձ, կը սիրե՞ս զիս, եթէ ոչ երթամ, միւս աշխարհին մէջ փնտռեմ երջանկութիւնը :

ՀՐԱՊՈՅՐ

(Գլուխ) Ո՛հ ի՛նչ կը լսեմ, ի՛նչ պատասխանեմ :

ՎԵՀՈՒՆԱԿ

Օ՛ն, մի՛ վարանիր, սիրելիդ իմ, վերջ տուր տարակուսանացս :

ԱՄԲԱՐՏԱԿ

(Կամայ առ Վեհազն) Տէր իմ, այդչափ մի՛ թախանձէք, օրիորդին ամօթ խածութեանը կը դպչիք :

ՇԱԽԱՐՇ

(Կամայ առ Հրապոյր) Դժուարութիւններ յարուցէք որպէս զի սէրը սաստկանայ :

ՀՐԱՊՈՅՐ

(Կորրուստելով) Վեհա՛զնդ իշխան, դժուար է ինձ համար այդպիսի հարցման մը պատասխանել :

ԱՄԲԱՐՏԱԿ

(Կամայ առ Վեհազն) Քաջալերուեցէք տէր

իմ, հաւանութեան նշան կու տայ :

ՎԵՀՈՒՆԱԿ

Սիրահիդ իմ, բնաւ մի՛ կասկածիր, անկեղծ է սէրս . այն գեղեցիկ վայրկենէն որ զքեզ տեսայ՝ մոռցայ ամեն ցաւերս, երջանկութիւն չնչեցի . նոյն վայրկեանէն երեւակայութիւնս բորբոքեցաւ, գեղեցկութեան վերայ դադարար մը ստացայ . կ'ատէի զաշխարհ բայց այժմ կը սիրեմ զայն . երբեմն մարդատեաց էի իսկ արդ մարդասէր . անտանելի ձանձրոյթ մը և յուսահատութիւն մը կը մաշեցնէր հոգիս իսկ այժմ ապրիլ կը ցանկամ, թէ եւ դժոխային ցաւոց և սոսկալի տանջանաց ենթակայ ըլլամ, բաւական է որ զքեզ տեսնեմ . բայց աւա՛ղ, յոյսերս կը կորնչին, երջանկութիւնս կը թունաւորի : երբ կը մտածեմ որ թերեւս պիտի մերժես սէրս, պիտի չլես ինձ, պիտի անարգես աղուշանքս . . .

ՇԱԽԱՐՇ

(Կամայ առ Հրապոյր) Օրիորդ, սովորական պաշարիւնութիւննիդ չկորսնցնէք եթէ կ'ուզէք սիրոյ հուրը բորբոքեցնել իւր սրբաթին մէջ :

ՀՐԱՊՈՅՐ

Կը հաւատամ ձեր խօսքերուն անկեղ-
ծութեանը, բայց ձեր հաճոյքը կատարե-
լու համար պատիւս չեմ կրնար զոհել:

ԱՄԲԱՐՏԱԿ

(Կամայ առ վեհոնս) Յաղթեցիք տէր իմ,
հաւանութեան նշան է:

ՎԵՀՈՒՆԱԿ

Ա՛հ, օրիորդ, եթէ ճանչնայիր թէ ի՛նչ
է սէրն, եթէ զգայիր նորա ազդեցութիւնը,
այն ժամանակ կրնայիր ենթադրել թէ ի՛նչ
հրոյ մէջ կը տաղնապիմ:

ՀՐԱՊՈՅՐ

Ի բաց, ՚ի բաց յինէն, այդպիսի մեղա-
պարտ սէր մը:

ՎԵՀՈՒՆԱԿ

Ո՛հ, սուրբ է սէրն:

ՀՐԱՊՈՅՐ

Երբ օրինաւոր է:

ՇԱՒԱՐՇ

(Կամայ առ Հրապոյր) Լաւ, լաւ:

ՎԵՀՈՒՆԱԿ

Օրիորդ, կամքդ պիտի կատարուի:
(առ Ամբարտակ) Երթանք, երթանք դաստիա-
րակդ իմ:

ՏԵՍԱՐԱՆ Է:

ՀՐԱՊՈՅՐ ԵՒ ՇԱՒԱՐՇ

ՀՐԱՊՈՅՐ

(ապշխեալ) Գնաց, Շաւարշ, գնաց և
թերեւս մէկ մ'ալ չգայ:

ՇԱՒԱՐՇ

Պիտի գայ, օրիորդ, պիտի գայ դարձ-
եալ:

ՀՐԱՊՈՅՐ

Աւա՛ղ, պիտի չգայ, վերջին խօսքը սար-
սափ կ'ազդէ ինձ՝ ո՛հ դու պատճառ եղար
որ չափազանց խոտութեամբ վարուեցայ:
Կորսնցուցիր զիս թշուառական, հեռացիր,
մ'երեւար աչքիս:

ՇԱՒԱՐՇ

Յիշեցէք օրիորդ թէ ես Շաւարշն եմ
և դուք զիս վռնեցիք իրաւունքը կորսն-
ցուցած էք:

ՀՐԱՊՈՅՐ

Երբէք, կորիր դժոխոց ոգի, անիծ-
եալ բլլաս:

ՇԱՒԱՐՇ

Լաւ, կ'երթամ ուրեմն, բայց պիտի
զղջաք:

ՀՐԱՊՈՅՐ

(Կենսելով որ կենսել) Կեցիր, կեցիր, Շա-
ւարչ:

ՇԱԽԱՐՇ

Ոչ, ոչ. թողէք երթամ:

ՀՐԱՊՈՅՐ

Կեցիր կ'ըսեմ:

ՇԱԽԱՐՇ

Ա՛յս պիտի ըլլայ եղբւր իմ հաւատարիմ
ծառայութեանցս վարձատրութիւնը:

ՀՐԱՊՈՅՐ

Ոչ, ոչ...

ՇԱԽԱՐՇ

Ալ ինձ պէտք չունիք օ՛րիորդ. դեղա-
հատերը սպառեցան այնպէս չէ:

ՀՐԱՊՈՅՐ

Ո՛հ. ոչ. ներէ Շա՛ւարչ:

ՇԱԽԱՐՇ

(Զրար փռալով) Առէք օ՛րիորդ. առէք
[այս ծրարն ալ և բացէք. ճանչցէք ձեր մօ-
րը վերջին կամքը. ալ իմ պաշտօնս դադ-
րած է:

ՀՐԱՊՈՅՐ

Ի՞նչ ըսել կ'ուզես:

ՇԱԽԱՐՇ

Խղեցէք այդ կնիքը. և տեսէք:

ՀՐԱՊՈՅՐ

(Զրար քանալով) Ի՛նչ կը տեսնեմ. ծալլուած
թուղթ մը կայ միայն ասոր մէջ:

ՇԱԽԱՐՇ

Եւ ձեր մօրը գիրն ու ստորագրութիւ-
նը կը կրէ. այնպէս չէ. . . կը խռովիք օրի-
որդ:

ՀՐԱՊՈՅՐ

(Կարդալով) «Որդեակ իմ:

Ծնայ. ապրեցայ. և ահա կը մեռնիմ...
ունայնութիւն, վաղանցուկ երազ մը...
այն ամեն բաներէն որ երջանկութիւն կը յու-
սայի՝ թշուառութեանս պատճառ եղան.
երիտասարդութիւնս խաբուելով և չա-
փահասութիւնս զղջալով անցուցի՝ խաբ-
ուեցայ վասն զի անսացի կրիցս, զղջացի բայց
չատ ուչ: Անողորմ մահը կը մերձենայ, ա-
զատութեան ժամը հնչեց. բայց աւաղ սի-
րելի Հրապոյրէս պիտի զատուիմ. ա՛ղջիկս՝
դքեղ մինակ պիտի թողում՝ կը սարսափիմ
երբ կը մտածեմ թէ թերեւս դու ալ ինձ
նման կրիցդ զոհ պիտի ըլլաս, գեղեցկու-
թիւնը փառքը և հարստութիւնը քու ա-
չերդ ալ պիտի շլացնեն. . . դու ալ ինձ
նման ձախող ամուսնութեան մը նչաւակ պի-

տի ըլլաս . որդեակ իմ եթէ երջանիկ ըլլալ
կ'ուզես , օգուտ քաղէ իմ քառասնամեայ
փորձառութենէս . և մի խաբուիր դու ալ
ինձ նման . զգուշացիր այն ամեն սնապարծ
երիտասարդաց խոստումներէն և արտա-
քին ցոյցերէն . արհամարհէ նոցա հարստու-
թիւնը , ամուսնացիր այնպիսի անձի մը հետ
որ տեղեակ ըլլայ երջանկութեան սկզբանց
որք են աշխատասիրութիւն , ժուժկալու-
թիւն և խաղաղ ամուսնութիւն :

Ահաւասիկ իմ վերջին կամքս :

ՇԱԽԱՐՇ

Օրիորդ պիտի յարգէք ձեր մօրը վեր-
ջին կամքը :

ՀՐԱՊՈՅՐ

Ո՛հ , սուրբ է ինձ համար մօրս յիշա-
տակը :

ՇԱԽԱՐՇ

Ուրեմն պիտի գործադրէք :

ՀՐԱՊՈՅՐ

Թէեւ մեռնիլ հարկ ըլլայ :

ՇԱԽԱՐՇ

Լաւ ուրեմն , այս վերջին ծառայու-
թիւնն ալ պիտի կատարեմ օ՛րիորդ :

ՊԱՏԿԵՐ Ա.

ՏԵՍԱՐԱՆ Ա.

ՇԱԽԱՐՇ , ԳԱՅԼԱԿ ԵՒ ՍԻՐԱՀԱՐ

Բ . ՍԻՐԱՀԱՐ

Վերջապէս օրիորդը յիշեց զիս . չորս
ամսէ ՚ի վեր երեսուն տոմսակ խրկեցի , ան-
գուլթն ոչ միայն բնաւ չպատասխանեց , այլ
և մէկ քանին առանց բանալու ետ խրկեց .
այսչափ անարգանք , այսչափ նախատինք և
դեռ կը սիրեմ և պիտի սիրեմ յաւիտեան .
նորա ձեռքն է սիրտս , զոր անհնար է կորզել :

Ա . ՍԻՐԱՀԱՐ

Սիրուն հրեշտակս , կարծեմ թէ օր ըստ
օրէ կը գեղեցկանայ . ամբողջ օր մըն է որ
տեսած չեմ , արդեօք ո՛րչափ գեղեցկացած
է :

Բ . ՍԻՐԱՀԱՐ

Ո՛հ , գեղեցկութեան թագուհին ան-
գամ եթէ տեսնէ օրիորդը՝ պիտի նախանձի :

Գ. ՍԻՐԱՀԱՐ

Երբ օրիորդը կը խօսի, մուսայք անգամ
կըլուն:

Գ. ՍԻՐԱՀԱՐ

Անցեալ օր անձամբ դիտեցի, օրիոր-
դին խօսած ատեն աստեղը դադրեցուցին
իրենց ընթացքը, նորա ձայնը լսելու համար:

Ե. ՍԻՐԱՀԱՐ

Նոյն միջոցին ես ալ տեսայ զանոնք և
մինչև անգամ նշմարեցի հեռուանց թէ
գիտաւոր տառա՞մ'ալ շտապաւ կը վազէր,
որպէս զի ինքն ալ ունկնդիր ըլլայ:

Գ. ՍԻՐԱՀԱՐ

Եւ զարմանալին այն է որ նոյն օրէն 'ի
վեր աստեղաց ոմանց ժամանակին որոշեալ
տեղը չդառնուելովն անհամաձայնութիւն
մը ծագած է մէջերնին որ հետզհետէ սաստ-
կանալու վրայ է:

Ե. ՍԻՐԱՀԱՐ

Ուրեմն այդ պատճառաւ էր որ համա-
տեղութեան շարքը աւրուելով քիչ մնաց
որ արեւելքը արեւմուտքին հետ պիտի
շփոթէի:

Գ. ՍԻՐԱՀԱՐ

Այո, այնպէս ըլլալու է, որովհետեւ

անցեալ գիշեր ճանապարհորդին մէկը, երբ
եկաւ հարցուց ինձ թէ, ո՞ր կողմն է հիւ-
սիս, բաւական դժուարութիւն քաշեցի,
համաստեղութեանց մէջ մեծ արջը գտ-
նելու համար:

Գ. ՍԻՐԱՀԱՐ

Ուրեմն առաջուց ծանօթութիւն ունէիք
մեծ արջին հետ որ անմիջապէս ճանչցաք:

Ա. ՍԻՐԱՀԱՐ

Անտարակոյս, երկար ատենէ 'ի վեր կը
ճանչնայի, բայց բեւեռային աստղին լաւ
ծանօթութիւն մը չունենալուս՝ պէտք ե-
ղաւ հաշուել. արդարեւ գեղեցիկ խնդիր
մ'էր զոր ուղեցի լուծել, բայց խնդիրը եր-
թալով դժուարացաւ և բնութիւնը փոխեց.
եթէ գրահաշիւն օգնութեան չհասնէր՝ ան-
լուծելի պիտի մնար. վերջապէս երկար աշ-
խատութենէ ետքը լուծեցի խնդիրը բայց
դժբախդաբար աշդէն արեգակը ծագած
ըլլալով, մեծ արջը գտնել անհնար եղաւ:

Գ. ՍԻՐԱՀԱՐ

Եւ ճանապարհորդը դեռ կ'սպասէր:

Ա. ՍԻՐԱՀԱՐ

Անմիտը, տեսնելով որ գործողութիւնը
երկարեցաւ, յուսահատելով մեկնած էր:

ԳՍՅԼԱԿ

(Գլխով) Որչափ ալ աստեղագէտ կ'ա հոս:

Զ. ՍԻՐԱՀԱՐ

Պա՛րոնայք, նկատելով փիլիսոփայու-
թեան հին գրութիւնը՝ քանի մը վերանո-
րոգութիւններ քիւ անցեալ օր. այսուհետեւ
հոգեբանութիւնը փոխանակ երեքի՛ չորս
գլխաւոր մասերէ կը բաղկանայ. այսինքն
զգայնութիւն, իմացութիւն, կամք և գոր-
ծունէութիւն:

Բ. ՍԻՐԱՀԱՐ

Ես ալ անցեալ օր բնագիտութեան մէ-
ջէն մագնիսականութիւնը ջնջեցի. իսկ ձայ-
նը համառօտելով իբր լուսոյ յաւելուած
մը նշանակեցի:

Ա. ՍԻՐԱՀԱՐ

Այո, այո, գիտութիւնները պարզելու
է. ես ալ այս օրերս միտք ունիմ գրա-
հաշիւը թուաբանութենէն առաջ նշանակել,
որպէս զի աշակերտք գիւրութեամբ լու-
ծեն թուաբանական խնդիրները:

Գ. ՍԻՐԱՀԱՐ

Անշուշտ կարգացիք պարոն, Մատե-
նագրական գրութիւն անուամբ նոր զիւրք
մը զոր այս օրերս հրատարակեցի:

Բ. ՍԻՐԱՀԱՐ

Այնչափ ձանձրանալի թուեցաւ ինձ որ
հազիւ թէ թուղթ մը կարդացի:

Գ. ՍԻՐԱՀԱՐ

Անտարակոյս՝ համբաւաց տաղտկալի կը
թուին իմաստալից գրութիւնները:

Բ. ՍԻՐԱՀԱՐ

Եւ ոչ իմաստ մը կըցայ գտնել:

Գ. ՍԻՐԱՀԱՐ

Տգիտութեան պատճառաւ:

Բ. ՍԻՐԱՀԱՐ

Պարոն, անճոռնի գրքեր չինելով՝ ինք-
զինքնիդ գրագէտ մի՛ կարծէք:

Գ. ՍԻՐԱՀԱՐ

Դուք ալ, գրագէտ ձեւանալու համար
այլոց գրութիւնները վատաբար մի՛ պար-
սաւէք:

Բ. ՍԻՐԱՀԱՐ

Պարոն, պատիւս կը պահանջեմ:

Գ. ՍԻՐԱՀԱՐ

(առ Գայլակ) Դուք քսէք պարոն, իրա-
ւունք ունիմ թէ ոչ:

Բ. ՍԻՐԱՀԱՐ

(առ Գայլակ) Յանուն արդարութեան, պա-
տասխանեցէք պարոն:

ԳԱՅԼԱԿ

Պարոնայք, չեմ կարծեր թէ այդչափ
բարձր գիտութեանց տեղեկութիւն ունե-
նամ:

Ա. ՍԻՐԱՀԱՐ

Հոգ չէ, ես կը քննեմ:

ԳԱՅԼԱԿ

(Բէյ-նէ) Ի՞նչ, քննութիւն ալ տալու է:

Ա. ՍԻՐԱՀԱՐ

Ո՞րն է ամենէն պինդ մարմինը:

ԳԱՅԼԱԿ

Ըստ իմ կարծեաց՝ վաշխառուաց երե-
սի կաշին բլլալու է:

ԱՄԵՆՔԸ

Հահ, հահ, հահ:

Ա. ՍԻՐԱՀԱՐ

Լաւ, ջերմութիւնը ո՞ր մարմիններուն
աւելի շուտ կ'աղդէ:

ԳԱՅԼԱԿ

Եթէ չեմ սխալիր, թեթեւ երկտասար-
դաց ուղեղին:

ԱՄԵՆՔԸ

Հահ, հահ, հահ:

ՇԱԽԱՐՇ

Է՛ պարոնայք, դուք ձեր գիտութեամբն
կը պարծիք եւ կը հպարտանաք, լաւ, հար-
ցում մ'ալ ես ձեզ պիտի ուղղեմ, տեսնե՞ք
ո՞վ ճշդիւ պիտի պատասխանէ:

Զ. ՍԻՐԱՀԱՐ

Կ'աղաչեմ ըսէք, ձեր այդ հարցումը
անկա՞ն է թէ ընաղանցական:

ՇԱԽԱՐՇ

Ոչ մէկը եւ ոչ միւսը. ըսէք ինձ պարո-
նայք, երջանկութիւնը ինչո՞վ կ'ըլլայ:

Ա. ՍԻՐԱՀԱՐ

(Բէյ-նէ) Երջանկութիւնը, իմ գիտցածս
տակով կ'ըլլայ. այո, այո, ըսեմ. (Բ-ն) Պա-
ռ'ն՝ երջանկութիւնը ստակի առատու-
եամբ կ'ըլլայ:

ՇԱԽԱՐՇ

Հահ, հահ, հահ, ահաւասիկ ագահը:

Զ. ՍԻՐԱՀԱՐ

Այս նիւթին վերայ Տիմոթեոսէս եւ Կիկերոն
բաւական խօսած են. Արիստոտէլ եւ Լէյպ-
նից բաւական վիճաբանած են այս նիւթին
վերայ. Լոք ալ մեծամեծ հատորներ ունի
այս նիւթին վերայ. վերջապէս ամեն բա-
րոյագէտներն ու տնտեսագէտները զանա-
զան դրութիւններ հաստատած են . . .

ՇԱԽԱՐՇ

Ձեր կարծիքը, միայն ձեր անձնական
կարծիքը կը հարցնեմ:

Զ. ՍԻՐԱՀԱՐ

Ես Լոքի դրութիւնը լաւագոյն կը հա-
մարիմ:

ՇԱԽԱՐՇ

Կաղաչեմ յատակ խօսեցէք որպէս զի
կարենամ հասկընայ. ես Լոքի դրութենէն
տեղեկութիւն չունիմ:

Զ. ՍԻՐԱՀԱՐ

Լաւ, կրքերը յագեցնելով:

ՇԱԽԱՐՇ

Հահ, հահ, հահ, ահաւատիկ տղայա-
միտը:

Զ. ՍԻՐԱՀԱՐ

Պարոն, ինձ նման անձի մը տղայամիտ...

ՇԱԽԱՐՇ

Հանդարտեցէք, պարոն, հանդարտեցէք:

ԳԱՅԼԱԿ

(Գլխով) Պապս բան մը կ'ըսէր, թերեւս
ճշմարիտ են խրատները, փորձառու մարդ-
մ'էր. (Բռն) Պարոն Շաւարշ, երջանկու-
թիւնը աշխատասիրութեամբ, ժուժկալու-
թեամբ և խաղաղ ամուսնութեամբ կ'ըլլայ:

ՇԱԽԱՐՇ

Վերջապէս ճշմարիտ իմաստունը գտայ.
կեցցես Գայլակ, յաղթանակեցիր: Գիտցէք
պարոնայք, թէ օրիորդը խոստացած էր ա-
մուսնանալ անոր հետ որ այս պատասխանը
տայր:

ԳԱՅԼԱԿ

Ի՛նչ կը յսեմ. . . ուրեմն, ուրեմն պի-
տի ամուսնանամ օ. . . ըի. . . որ. . . զին հետ:

Բ. ՍԻՐԱՀԱՐ

Ես ալ նոյնը պիտի ըսէի:

ՇԱԽԱՐՇ

Շատ ուշ, բարեկամ, շատ ուշ:

Գ. ՍԻՐԱՀԱՐ

Սակայն չեմ ընդունիր այդ ընտրու-
թիւնը:

ՇԱԽԱՐՇ

Գծբախտաբար ձեր ընդունելութենէն
կախեալ չէ օրիորդին որոշումը:

Գ. ՍԻՐԱՀԱՐ

Ի՛նչ, այս ապուշին հետ ամուսնանայ այն
անողուգական օրիորդը, անկարելի է:

ՇԱԽԱՐՇ

Է՛, ըստ պարագային, երբեմն կարելի է:

ԳԱՅԼԱԿ

Երթամ, աւետեմ օրիորդին խնդակ-
ցութիւնս:

(Երեւոյն փնջին Հրապարակ ինքնաբերական)

ՏԵՍԱՐԱՆ Բ.

ՆՈՅՔՆ ԵՒ ՀՐԱՊՈՅՐ

ԳԱՅԼԱԿ

Օրիորդ, ջնորհակալ եմ քոյ բարեւոր-
տութենէն, ալ երջանկութիւնս կտտարեալ
է, յաւիտեան երախտապարտ եմ. . .

ՀՐԱՊՈՅՐ

Ի՞նչ ըսեւ կ'ուզես . ի՞նչ է այս Շաւարշ

ՇԱԽԱՐՇ

Տի՛կին , ձեր մօրը կտակը դործադրուած է և ձեր ապագայն որոշեալ :

ՀՐԱՊՈՅՐ

(անկեղծ) Ի՞նչպէս :

ՇԱԽԱՐՇ

(Գուրաւ ցոլանալով) Ինքը :

ՀՐԱՊՈՅՐ

(Բեկորով) Երկինք . . . բայց ոչ , անկա-
րելի է :

ՇԱԽԱՐՇ

(Կոնց առ Հրապոյր) Օրիորդ , եթէ այս ա-
մուսնութիւնը չկատարես՝ կորսուած ես : Իշ-
խանազունը ձեր հետն ամուսնանալու արտօ-
նութիւն ուղեւուն համար բանտարկուած է . .

ՀՐԱՊՈՅՐ

Ի՞նչ կ'ըսես Շաւարշ :

ՇԱԽԱՐՇ

(Կոնց առ Հրապոյր) Այո , և զձեզ քննու-
թեան պիտի ենթարկեն եթէ անսխալապէս
ամուսնանալով կատկածները չխարտէք :

ՀՐԱՊՈՅՐ

Բայց այս հրէշին հետ ամուսնանալ ան-
կարելի է :

ՇԱԽԱՐՇ

(Կոնց առ Հրապոյր) Ընտրեցէք մէկը :

ՀՐԱՊՈՅՐ

Ո՛րն ընտրեմ , ամենքն ալ դժոխային
դեւեր կը թուին ինձ :

ՇԱԽԱՐՇ

(Կոնց առ Հրապոյր) Ուրեմն յիշեցէք ձեր
մօրը վերջին կամքը , օրիորդ , ամուսնացէք
Դայլակայ հետ , թերեւս այսպէս պիտի կա-
րենաք երջանիկ կեանք մը վարել . ո՛ր դիտե-
ինչ աղէտալի օրեր պիտի անցընէք այս սը-
նապարծներուն մէկուն հետ ամուսնանալով :

ՀՐԱՊՈՅՐ

Աւա՛ղ . . . կ'ընչեցան յոյսերս . . . 'ի
շուր մաքառեցայ բախտին դէմ . . .

ՇԱԽԱՐՇ

(Կոնց առ Հրապոյր) Օ՛ն , օրիորդ , վտան-
դը կը մերձենայ , ըսէք , կը հաւանի՞ք , ե-
թէ ոչ կ'արհամարհէք ձեր մօրը վերջին
կամքը :

ՀՐԱՊՈՅՐ

Որոշեցի կատարել մօրս վերջին կամքը :

ԳԱՅԼԱԿ

(Բեկեղծ Հրապոյր) Օրիորդ , ալ զիս պի-
տի չվռնտէք սյնպէս չէ՞ :

(Հարտարեւ Կ'ԷԷԷ)

ՀՀ Ազգային գրադարան



NL0367055

57800